

Վ Ա Ղ Ը

Վաղը 1500 ամեակը կը լրանայ Հայ Գրեթու Գիւթեան և 400 ամեակը՝ Հայ կական Տպագրութեան:

Տրոփող և անդազին յուզումով մը շարժմանը ի վեր, և ոմանց համար տարիէ մը տաղին, բովանդակ Հայութեան սրտին մէջ կը զեղու անճառելի խանդաղատում մը Սրբազան Արարատէն առջին ու անդին և մինչև օտար հեռուոր ամիբրու վերայ խլուած ու նետուած Հայ տարագրութեանը վրայ միութեան կապ մը ու կամար մը ձեւացնելով:

Ս. Մեսրոպի գիրը և Ս. Սահակի լիզուհի օրհնութեան տարափով մը կ'անձրեան մեր աշուր Ազգին ձիւնասպակ գլխուն վրայ իրենց փառքերը հագնելով:

Անոր համար վաղը Հայ Եկեղեցին իր ամենէն աւագ օրերու վայելքները կը հագնի և մամբու ու ջահերու ամենէն նուիրակներովը կը լուսազարդէ Սուրբերու զլիտէն շորջը լուսեղէն պահներ ձեւացնելով:

Անոր համար վաղը բովանդակ Հայ Ազգի իր քաղաքական տօներուն ամենէն շքեղաշուքն ու պերճունակը կը տօնէ. գործերէք տօնեց Հայկական Նաւասարդներէն առջին:

Վաղը երթանք շնչել Հայ Եկեղեցին խուսկը, որ մաքուր աղօթքներու հետ միացած պիտի նուիրուի Հայոց էն նուիրակն սուրբերուն, և դարձեալ վաղը երթանք լսել բոլոր օրհնածներն ու երգերը, որոնք պիտի վերառաքուին Ս. Մեսրոպեանի միջնորդներուն տակ, ուր եկեղեցին ու դպրոցը նշանակալու չափ կը միանան և իրարու կը զօրուին իբրև ազգին երկու ամբարշտ պահպանները, և դուռնէ տօնը համար եղած ըլլայ որ մեր հետապնդ նախահայրերը. վաղնջական օրերէ առջին, ուր Հայ եկեղեցի մըն են կանգնել, անոր բակին ու շրջապահակին մէջ չեն մտցեր կանգնել Հայուն դպրատունը և անոր անունը շատ յաճախ ալ դնել Ս. Մեսրոպեան, իբրև երախտագրութեան խորհրդանշանակը Հայ Գրին և և անոր պահպանութեան:

Վաղը ամբողջ օրը աննոցմով ապրինք. որոնք մեզի ապոնցուցին հոգևորապէս և մարմնաւորապէս. զի Ս. Սահակի սրբականը կրօնը եթէ Հայութեան հոգիին սուղեղն եղաւ, Ս. Մեսրոպի լուսաճաճանչ և ջահակիր գիրը Հայութեան սրտին և քաղաքական մարմինին անդառութեան գործիքն եղաւ: Եւ ի՞նչ առանձնապէս պիտի արժէին հոգին՝ առանց մարմինի, և մարմինը՝ առանց հոգիի ներդաշնակ զուգորդութեան:

Վաղը անոր համար Հայութեան էն մեծ ու նուիրակ օրերէն մէկն է, որով հետև չկայ Հայ մը, փարթամ իշխանազունէն սկսած մինչև համեստուակ խրճիթին տակ ապրող և պարզուկ բռնափրէն սկսած մինչև ամենէն բարձր և անարթակներ եղող հայ մը, որ անխուսափելիօրէն պիտի չիլի թէ՛ որո՞ւ է որ կը պարտի իր կերած պատասխիկ մը չոր հացէն սկսած մինչև իր համադամին վայելքը, եթէ ոչ Սրբոցն Սահակայ և Մեսրոպայ ոսկեղի նիկ տառերուն ուղղակի կամ անուղղակի շնորհներուն:

Անոր համար վաղուան և վաղայաջորդ օրուան տօներուն, առանց բացառութեան, ներկայ ըլլալու են, ըստ Հայրապետական հրամանի, աշակերտն ու վարժա-

պետը, գործարանատէրն ու գործաւորը, տէրն ու ծառան, զի ամենքը, ամենքը իրենց խոնարհագոյն դիրքէն մինչև իրենց բարձրագոյն դիրքը պարտական են Հայ Գրին, Հայ Սօսքին:

Վաղը համարէն հայութեան հասարակական հաւատարմութեան տօնն է. վաղը բովանդակ Հայ Ազգին միացեալ երախտ պարտութեան տօնն է՝ հանդէպ Հայ Գրին:

Վաղը դարերու Մեծ Հանգրուանն է, ուր պիտի հանդիպինք ու կանգ առնենք ժամանակներու միգրացիոն մշտնջերուն մէջէն խորհրդաւորէն մեզի ընդառաջող երկու օրաշնաւորը մեծ ու լուսեղէն դէմքերու առջև, որոնք մեզի կանգ առնել պիտի տան մեր 1500 տարիներէ ի վեր քալած ճամբուն վրայ, և մինչև հայի ու համար պիտի պահանջեն իրենց մեզի տրուած այն քանքարին գործածութեան համար, որուն նմանը իրենց Սրկաւոր Վարդապետը և Տէրն ալ տուած էր մարդկութեան:

Արդեօք մեզի աւանդուած այդ նուիրակն քանքարը լաւ և ուղղամտութեամբ գործածեցինք:

Ի՞նչ պիտի պատասխանենք իրենց այդ հաշուեյարդարութեան ժամերուն:

—Է՛ր ուրեք, ուր, այո՛, լաւ գործածեցինք. է՛ր ուրեք, երբ քանքարութեամբ եղանք, է՛ր ուրեք, ուր անոր գործածութեամբ թեղմաւորեցինք զայն, և եղաւ ալ որ անոր մէջ կողմէն խորեցինք. կերտք ու զեղծանեցինք...

Ու անոնք պիտի ըսեն մեզի.

—Ապրիս, ծառայ բարի. զի հաւատարիմ եղար և արգասաւորեցիր քեզի աւանդուած քանքարս:

Եւ գործեալ պիտի ըսեն մենք ոմանց ալ.

—Մատայ չար և անհաւատարիմ, ի՞նչ ըրիր Տէրողք քեզ յանձնած աւանդը:

Տօնը, զոր վաղը պիտի կատարենք, Հայուն քաղաքակրթութեան տօնն է, Հայուն մտաւոր շարժման տօնն է, որ կրակովի ասկէ տասնէհինգ դարեր առաջ, և կը ծագի ու կը բարգաւաճի Հայկական Բարձունքներուն վրայ կղզիացած ու բնորոշ Ազգի մը ծոցին մէջ, որ հուրի խուժող արևնի և կրակի աւազաններէ անցած և մկրտուած, իր կողերուն վրայ ազգերու շատ սուր ու սլաքն է կոտորում, և դեռ կը մնայ կանգուն:

Իրմէ առաջ և իրմէ վերջը շատ ազգեր եկան և դացին, և ինքը մնաց իր անսասան ժայռ ազգերու խառնիճական ճին մէջ, իր հպարտ լեռներուն վրայ փակած իբրև պատմական Միանիտ:

Իբրև ճշմարիտ քրիստոնեայ ան իր շրջապատին պէս շնորհեց զէնքն ու վարկութիւնը իր գոյութեան անվթար պահ պահման համար. բոյց ընտրեց գիրն ու քաղաքակրթութիւնը և աննոցմով մաքառեցաւ դարերու ընթացքին մէջ իր զրկ խուս վրայ պայթող բուռն փոթորիկներուն զէմ, և պէտք է հպարտութեամբ ըսել թէ՛ յաղթեց ալ:

Վաղը այդ Գրին և Քաղաքակրթութեան տօնն է անս, որ բովանդակ Հայութիւնը պիտի տօնէ և պանծացնէ:

Ուրեմն վաղը երթանք շնչել Հայ Եկեղեցին խուսկը, որ Ս. Սահակին բխացող մաքուր սիրտն է, և դարձեալ երթանք լսել բոլոր օրհնածներն ու երգերը, որոնք Ս. Մեսրոպ Մաշթոցի ոսկետառ գրին և ոսկեղենիկ լիզուհին օրհնութեան անձրեաններն են, որ վերաւոր Հայութեան սրտին վրայ պիտի կաթկթին և սպեղանի դառնան Սրբազան Արարատէն առջին և անդին զանուած բոլոր Հայութեան ու

դարձեալ ի սփիւռս աշխարհի ոլորտներուն ցրուած Հայ տարագիրներուն սրտերը թարմացնելու և իրարու զօգելու, որպէսզի անգամ մըն ալ հաստատուի Հայութիւնը իր այդ երկու անսասան ժայռերուն վրայ: